

Divino allucente Lumine,
DISSERTATIO INAUGURALIS,
Offerens
ELIQUAMINA DE
ODORIFERIS PHILOSOPHIÆ
FLOSCULIS EXEMPTA.

Quam-

*A stipulante Veneranda Facultatis Philosophicæ Choro,
in Regia Universitate Aboensi.*

Magnifico Rectore,
Reverendo & Clarissimo Viro,

DN. M. MARTINO STODIO
LING. PROFESS. Solertiss. Pastore in Lundio Vigilantissimo,

S U B D I R E C T I O N E,

Præcellentissimi & Consultissimi Viri,

DN. M. MICHAELIS O. VVEXIONII,
Phil. Pract. & Hist. Professoris famigeratissimi, Facul-
tatis Phil. p. t. Decani, Præceptoris ac Promotoris sui, omni
honoris & observantiæ cultu perpetim prose-
quendi.

*Pro Magisterij Privilegijs obtinendis Placida Philosophantium
censura credit,*

MICHAEL CANUTI VVISIUS.
Aboensis.

Ad diem Martij Anni 1647.

A B O E,

Excudebat Petrus Wald / Acad. Typogr. 1647.

СИ АЛЛА ГОДА

ELIQUAMEN I.

Perfectum verè transcendens est, & affectio Entis unita.

Vulgus Metaphysicorum Transcendentia numerat Sex: Ens, res, aliquid, unum, verum, bonum, quorum censui perfectū non annumerat, sed excludit. Idq; ex hoc fundamento, quoniam hoc attributum videtur equipollentiam cum ipso Ente alere, proindeq; Synonymice de eo prædicari, non secus ac res & aliquid tam nomen quam ipsam Entitatem includunt. Quam sententiam forvet & propugnat Svaretz Disp. 10. Sect. 1. n. 11. Probatq; hunc in modum, quia non potest Ens concipi sine perfectione essentiali, unde concludit Entitatem & perfectionem non differre nisi etymologicè; Verum hæc ratio non probat id, quod intendit, nam hoc saltem dicit, quod inter perfectionem & Entitatem non sit reale aliquid discrimen, quod etiā ab alijs conceditur cum eodem jure etiam reliqua omnia attributa Entis sint prædicta. Ut ergo perfectio Enti est annexa, ita etiam aliae affectiones ipsi sunt agglutinatae. Ubi tamen hoc notandum, quod licet Ens in se & absolute consideratum involvat etiam sua attributa, tamen non apprehenduntur distincto concipiendi modo, eo ipso momento, quo ipsū Ens præcise concipitur. v.g. in-

den

tellectus concipiens essentiam, concipit quidem rem perfectam, verum tamen conceptus iste respectu plenitudinis illius, quæ sub termino essentiæ continetur, non est distinctus eo ipso momento quo essentia consideratur. Cæterum ratio illa in æquipollentia fundata, hic quoq; diluenda venit, ne ejus pondere onerati perfectū è transcentium cætu extrudere cogamur. Itaq; scendum 1. Secundum illam, perfectum ad transcedentium classem posse referri, siquidem ea, quæ vulgato isto numero includuntur æquipollentiam dicunt ad Ens, & tamen transcedentia audiunt. 2. Suppositionem illam qui supponitur Ens & perfectum Synonymiam habere falsam & erroneam esse. Nam perfectum addit Enti negationem defectus i. e. perfectio nihil aliud est quam essentia carens defectu eorum, quæ ad eam requiruntur. Unde apparet illud esse affectionem Entis non secus ac unum, quod etiam Enti negationem, sed divisionis communicat. Sed hic tandem dispiciendū est, quid transcedentis nomine insinuetur? Pro cuj; explicacione tenendum est, quod Transcendentis dicatur dupliciter 1. Ratione nobilioris & perfectioris Entitatis, quomodo Deus dicitur Transcendentis. Nam sublimitate sua non solum genus generalissimum in scala prædicamentali, sed ipsum quoq; Ens supergreditur tanquam Ens Entium & principium principiorum ut loquitur Athanasius in Orat. contra Gregales Sabellij, 2. Ratione prædicamentorum, quæ singula communitate Entitatis & prædicationis transilit, ita ut de singulis prædicari possit.

ponit. Atq; ille impiarentur iuntur. Itaq; ut ali-
quid sit transcendes requiritur 1. Ut transcendat Ca-
tegoriarum classes 2. Ut habeat communem naturam
secundum quam de singulis prædicetur. Hisce perspe-
ctis claret perfectum verè Transcendens esse h.e. ita es-
se affectum ut non sit infra ordinem prædicamentorum
dejectum, sed per communitatem prædicationis supra
eum sese extollat. Tantum de primo membro. Sequi-
tur secundum, cuius veritas inclarescit ex reciproca-
tione Entis & perfecti. Nam bene possum dicere: o-
mne perfectū est Ens & vice versa omne Ens est per-
fectum. Prior propositio probatur, quia perfectum in-
trinsicam & essentialē essentiæ constitutionem in-
cludit & unitivè in Ente latitat. Ergo diversitatem
realem ab Ente, non habet. Hinc dicunt Metaphy-
sici hanc propositionem, omne perfectum est Ens,
nihil aliud importare, quam omne Ens indefecti-
bile esse Ens. *Nam perfectum est illud, quod insinuat*
F. Posterior
v. proposi-
tio svade-
tur termi-
norum ex-
plicatione.
carentiam eorum, quæ ad internam rei integritatem
constituendam spectant. Ens vero definitur quod ha-
bet essentiam. Ergo nequit laborare defectu illorum, quæ
ad ipsum esse intrinsecè requiruntur. Hinc omne
Ens esse perfectum dicunt nihil aliud esse, quam
*omne habens essentiam, non carere ijs, quæ ver-
gunt ad essentiam. Quod tamen intelligendum est*
de perfectione transcendentali, quæ etiam essentialis

Quod si non apparet conveiuere. Contra uenientibus
duplici modo Entia nuncupari imperfecta. 1. Acci-
dentaliter. Nempé quando aliquid patitur jactu-
ram integratatis vel ornamenti vel altioris vel in-
tensionis status, quali defectu laborat equus aurí-
bis, oculis, pedibus alijsq; partibus minus princi-
palibus destitutus & truncatus, adhuc tamen est
equus, & in eodem prædicamento, in quo suit an-
tequam ejusmodi truncatio ei accidit. Ergo caren-
tia partium minus principalium non impedit, quo mi-
nus equus de perfectione transcendentali participare
queat. 2. Comparatè Ratione nobilioris & igno-
bilioris Entitatis, quo sensu materia dicitur im-
perfecta, quia non est tantæ nobilitatis & præ-
stantiæ, quantæ forma est, quæ eandem informat.
Neg. hic imperfectionis modus aliquid transcendentali
perfectioni deflorare potest, cum illa sit absoluta, ut
prius inculcatum.

II. Sangvis menstruus non est vitiosus.

Circa hujus propositionis evolutionem duo notanda
occurrunt. Unum in subiecto sc. cur dicatur men-
struus alterum in prædicato nempè an vitiorum labe-
sit conspurcatus sangvis ille. De priori prius agendum,
ejusq; ratio insinuanda. Dicitur verò menstruus, quia
singulis mensibus, certis tamen & definitis tempo-
rum spatijs à corporibus humanis excernitur. Ubi
non

non levis exsurgit dubitatio, cur hic fluxus stat a obser-
vet tempora, cum alijs humores excrementij ferè o-
mnes cottidie sine ullo respectu ad temporum discrimi-
na, e corporibus exiliant. Itaque sciendum est hujus rei
duas dari causas, quarum una Est remota est humorum
illa domina luna, ad cuius iucrementum vel decremen-
tum affluit Est defluit humorū copia in corporibus ani-
matis. Propinqua verò Est altera est individui cuiusque
natura, prout enim variant naturæ, ita Est variat ex-
cretionis modus seu ratio, quædam enim fæminæ nunc
sæpius, nunc rarius, nunc magis, nunc minus hac clade
infestantur. At nec posterior pars sua caret difficulta-
te, siquidem prisci Naturæ scrutatores multis scomma-
tum aggeribus in hunc sanguinem debachantur præ-
tendentes multa Est mira dictu. Inter quæ præcipua
sunt illa, quæ Plinius Lib.7. Hist. Nat.c.15. recenset:

Ubi dicit nihil facile reperiri mulierum profluvio magis monstrificum. Nam
acescunt superventu musta, sterilescunt tactæ fruges moriuntur insita, ex-
runtur hortorum germina, & fructus arborum quibus infidere, decidunt:
speculorum fulgor adspicere ipso habetur, acies ferri præstringitur, seborisq;
nitidus: alvei apum emoriuntur: as etiam ac ferrum rubigo protinus corripit,
odorq; dirus aëra: & in tabiem aguntur gustato eo canes, atq; insanabili ve-
neno morsus inficitur. Et quæ sunt alia eiusdem farinæ.

Ad quæ o-

mnia responderi potest per distinctionem, quâ distin-
guitur inter subjecta pura seu sana, Est impura seu
morbosa. Illa, suppeditant purum Est illibatum san-
guinem, proinde nulli nocumento esse potest. Quam-
vis interdum contingat etiam illum sanguinem nonni-
bil officere, tamen cogitandum illud non per se, sed per

accidens fieri videtur quatenus is maculam sibi affixam, diuturna detentione, intra latebras uteri delitescens, acquisivit. Impura vero et morbos a sanguinem prebent multis modis turpatum. Itaque judicium ferendum est, de re ab ijs, quae illam a priori intrinsecè et essentialiter constituant: non vero ab ijs, quae eandem a posteriori et accidentaliter insequuntur eidemque per accidens insunt. Quod autem in se et sua natura sanguis ille non sit nocivus, efflorescit vel hinc, quia habent identitatem principiorum reliquias sanguinis et iste. Eundem chylum ex quo generatur uterus, idem quoque separatur, ubi cœu in officina elaboratur, unde per venas in totum corpus diffunditur. Ex ijsdem igitur causis idem profuit effectus. Deinde colligitur ejus præstantia ex bonitate, quam exercit in fetu nutriendo, is enim in utero latitans nullum aliud alimentum depositit, sed huc sanguinem per venam umbilicalem sibi attrahit, cuius beneficio perficitur et nutritur. Demum evincitur ejus bonitas exinde, quoniam sanguis menstruus ad mammas recurrens, lactis naturam induit.

III. Mortuæ matres vivos non possunt parere infantes.

Cistula illa cui fœtus inclusus est validissimis repagulis fulcitur et stipatur. Anteriori enim parte dicitur ossibus pubis cingi, posteriore osse sacro et coccyge claudi, ut ringi ossibus ilium obvallari. Nodos hos

arctissimè unitos & complicatos infantulus ille tenerimus vix dissolveret, nisi mater ei suam operam locaret. Partus enim tempore ingruente fœta è suo ergastulo fœtum magno conamine ejicere satagit, quod erumpit in Spirituū contractionem, diaphragmatis depressionem & abdominis compressionem. Hæc & alia plura mulier denata præstare nequit, veritati enim litat illud, Non Entis nullæ sunt affectiones, nullæ operationes. At mulier mortua est non Ens. Cum non sit amicta principio illo radicali, unde omnes operationes primario promanant & in lucem prodeunt. Proinde contrariæ sententia propugnatores, vana historiarum cognitione inescati hallucinantur, allegantes historias nonnullas, quibus suam opinionem roborare conantur. Sciendum tamen mulierculas quædam ita esse affectas, ut interdū symptomate correptæ pro mortuis sint habitæ, quia nullas operationes sensibus conspicuas edunt. Interim occulta quadam ratione interna caloris transpiratio in corde & arterijs sese movet, cuius ope ad vitam quasi revocantur. Aliâs enim à privatione totali ad habitum regressus non daretur naturaliter.

IV. Uterq; parens ad generationem concurrit activè.

UT alibi effatum illud, ex insufficienti nihil fit, veritate

tate sua non est spoliatum, ita etiam hoc accitum eadem defraudari nequit. Pater autem solus, non cooperante matre, procreationem non absolvit. matri non deneganda sua vis. Nam causæ sociæ non sunt segregandas sed conjungendas. Præterea facultas generatrix arguit mater rem ac fœminam ejusdem esse conditionis & naturæ; cum provida mater totam speciem ejus participem fecerit quod etiam afferendum est de potentia alterice & auctrice. Ut autem hæ potentiae in fœmina activæ sunt, ita & generatrix. Proinde fœmina in generatione non habet se merè passivæ, ut falso communis fert opinio, à falso principio descendens quod fœminis vasa seminis procreationi dicata adimit. Si enim Anatomicos adeamus eorumq; accuratæ exsectioni fidem adhibeamus, percipimus fœminas non esse orbatas venis & arteriis sanguini ferendo destinatis, & ad testiculos constitutis, ubi in seminalem abit naturam sanguinis. Nec obstat duplicem dari excretionem, cum fiat diverso tempore, diverso quoque fine, nihil igitur absurdum infert.

V. Dantur formæ partiales quæ partem integrantem constituunt, certarumq; operationum causæ existunt.

Si species corporis animati & præcipue plantas, bruta & homines oculis perlustramus nostris, manifestis

sta se se produnt indicia, diversitatem à forma peculiari
premanentem arguentia, quæ varij proprietatibus &
operationibus perspicua redditur. Alia enim, ut de
genere plantarum præprimis loquamur, conspicitur in
ramis alia in caudice, alia in folijs, alia in frondibus, alia
in surculis, alia in fibris, &c. De genere brutorū idem
dicendum aliam enim habent formam partes similares
ut: sanguis, ossa, cartilaginiæ, vena, arteria, nervi, pin-
guedo, cutis. Aliam dissimilares ut pedes, eaq; ut cor,
cerebrum, hepar stomachus, &c. Sic in genere avium
alia est forma in rostro, alia in pennis & aliis, &c. Sic
pisces aliam habent in branchijs aliam in pinnis alia in
squami, &c. De hominibus idem quoq; venit judican-
dum quorum aliquas saltem partes integrantes hic re-
censere placet. Aliam habet nasus, aliam dentes, aliam
mentum, aliam ventriculus, aliam thorax, aliam me-
senteria, aliam crura, aliam manus, &c. Hinc sic ar-
gumentamur, Ubi dantur partes diversæ rationis
ibi dantur formæ partiales; sed in corporibus he-
terogeneis dantur partes diversæ rationis &c. Ma-
jor probatur quia diversitas illa partium, aut prove-
nit à formis aut ab accidentibus, sed non ab his quia si id
procederet etiam aurum cuius una pars est dealbata;
altera denigrata esset corpus heterogeneum, quod à ve-
ritatis castimonia abhorret, est enim homogeneous. Er-
go ab illis. Nec est quod dicant formalem illam

rationem variarum partium, à forma totali provenire siquidem illa non habet formæ respectum ad partium diversitatem v. g. in animalibus esse cranii, esse palati, esse oculi, &c. Quod hinc elucescit, quia nihil potest alicui formalem rationem communicare, nisi actu ipso tale sit. Quod viciſſim probatur; nam si anima talia esse partialia in sua formalitate in volveret, utiqꝫ omnia illa esse de omnibus & singulis partibus prædicarentur, & sic quælibet pars simul eſſet caput, collum, venter, pedes, &c. quoniam eadem in omnibus & singulis partibus.

VII. Lux non est color.

Lucem à colore planè distinctam esse probat sensus evidētia, & dictamen rectæ rationis evincit. Sensus nunquam apprehendit hasce qualitates cœn unā & eandem rem, sed tanquam res distinctas semper eas cognoscit, cum sint distincta objecta, distinctam quoqꝫ de se spargant speciem necessè est, juxta quam sensus de rei certitudine vel inertitudine judicium fert suum. Præterea etiam hoc pro differētia illarum militat, quod lux ibi sui usuram præbeat, ubi nullus apparet color. In tenebris enim constituti lucem animadvertisimus, colorem non item. Ratio ipsa diversitatem harum qualitatum tām ratione essentiæ quam affectionum indigitat. A luce illuminatio exilit, à colore non item. Illa subiectum denominat lucidum,

color coloratum. Etsi Zabarella lucem 'nihil' aliud quam colorem esse contendat ex hoc fundamento, quoniam videtur tanquam albedo quædam tamen conatus ejus finem non sortitur optatum. Inde enim non magis potest deduci hæc consequentia lux est color, quam ex hac enunciatione: calor tactu percipitur, nequit inferri ergo est frigus. Ut enim plures sunt qualitates tactiles, ita etiam non una est qualitas visibilis. Cum verò in luce apparet albedo quædam, tum sciendum est illa non indicare essentiæ identitatem, sed potius similitudinem. Simile autem non est idem.

VII. Aër non est Elementum humidissimum & calidum.

Affirmatiuam sententiam tuentes speciem veritatis mutuati sunt, non ab ipsa irrigatione, sed à recepta illa humiditatis definitione quæ definitur quod sit qualitas patibilis, suo termino difficulter, alieno facile se continens. Hinc dicunt aërem esse Elementum moderate calidum & humidissimum, &c. Quæ definitio non explicat essentiam aëris per propria attributa essentialiter eum constituentia, non enim humectat per se & sua natura, sed per accidens, quatenus in eo stabulant aque & atomi, ut sunt corpora humida, quæ totum permeant aërem eumq; madidum reddunt, unde humor in terram aliaq; corpora defluit. Idem esto ju-

dicum de calido. Nam positis proprijs ponuntur res ipsæ impossibile enim est separari propria salva manente subjecti essentia. Calefacit ergo aër beneficio atomorum ignearum in aëre volitantium. Hac ita se habere probat veritatis meridies experientia. Nam pro varietate temporum, variat quoq; aëris temperies, alijs enim qualitatibus afficitur tempore aestivo ubi sèpiusculè siccitas prædominatur: alijs hiberno tempore ubi præcipue frigiditas palmam obtinet. Hinc ergo evincitur aërem sua natura, non esse humidissimum & calidum, cum ejusmodi proprietatibus non rarò denudetur, quod non fieret si proprietates genuinæ essent. Quia illis ablatis non posset aër amplius in suo vigore durare, sed una cum illis in favillas redigetur, atq; sic interiret.

VIII. Caliditas frigiditas, & siccitas non sunt formæ Elementorum.

*V*ulgus quidem Physicorum qualitates hasce profert mis Elementorum venditat, eo quod ijs demptis demandatur quoq; Elementa quod fieri non posset nisi eorum essent principia constitutiva. Sed vana est opinio lubrico fundamento innitens, siquidem de proprijs essentiâ consequentibus illud idem dici potest, ut illorum carentia & ablato inferat essentiæ destruclicinem & annihilationem. Præterea pro sua sententia stabilenda adferunt argumentum desumptum ex operationum evidentia. Unde sic argutantur: Cujus operatio-

nes

nes sunt maximè conspicuae, illud est forma rei;
sed qualitatum Elementarium operationes tales
sunt E. *Ait Major* in hoc Syllogismo vacillat, quia qua-
litates etiam virtute gendi amictæ sunt formis q̄ cœn-
instrumenta suam operam non denegant, sed illis tan-
quam causis principiis libus inserviunt. Tandem eli-
ciunt robur ex eo quod hæ qualitates in Definitionib.
Elementorum locum differentiæ obtineant.
Sed neq; illud aliquid ponderis habet. Ut enim in defini-
tionibus aliarum rerum, 'quari essentia nos à priori la-
tet, cogimur eandem à posteriori describere, ita E hic
ob formarum ignorantiam necessum est ut qualitates in
locum formarum substituamus. Hisce sic præfloratis
consequens est, ut theorematis veritatem statumine-
mus hac ratione: omnis forma à priori compositum
constituens debet esse substantia, at qualitates
non sunt substantiæ E. Major sua luce radiat. Mi-
nor probatur; quia illæ incurvant in sensum per se, quod
de substantia affirmari nequit, illa enim ut constat nun-
quam cadit sub sensum per se. Hinc sic argumenta-
mnr quicquid sensu percipitur illud non est corporis na-
turalis forma; sed qualitates sensu percipiuntur, E. Major
é dictis claret. Minor facile probatur, quia qualitates tactum
non effugiunt, sed ejus perceptioni se se fissunt.

IX. Calor non definitur rectè per congregatio-
nem homogeneorum & segregationem
heterogeneorum.

Priscæ

PRisci Philosophiae Naturalis Professores caloris essentiam explicaturi talem tradunt definitionem: Calor est qualitas activa congregans homogenea & segregans heterogenea. Ubi per homogenea non duntaxat ea, quæ sunt ejusdem naturæ & speciei ut sunt aqua, sanguis & caro &c. Sed etiam ea, quæ sunt similis complexionis & in unam massam coagulari possunt, intelligenda censem. Tametsi inter illa non leve tam quoad essentiam quam quoad nomen, discriminem vigeat. Cum verò regulæ ita sint formandæ, ut rebus accommodari possint, altius disquirendum, an talis definitio in natura fundetur; & an homogeneorum natura rite ab illis declaretur. Definitionem quod concernit, deprehendimus illam 1. non esse de omni, quia si sumatur lebes aqua vel alio liquore repletus, & igni imponatur, utiq^{ue} homogenea o^r congregata sed disagregat ipsam aquam vel liquorem alium, primum in vapores post in atomos resolvendo. Unde liquet caloris naturam non esse sitam in homogeneorum congregatione, & heterogeneorum segregatione. Etsi ita esset, utiq^{ue} pro caloris majori vel minori incremento, major vel minor sequeretur partium congregatio vel segregatio. Ut enim res incrementum capit, ita etiam operationes ejus ratione istius incrementi, notabiliores redduntur. 2. Nec per se, nam propriæ & genuinæ actiones seu proprietates removentur, & impropriæ seu Spuriæ in locum sufficiuntur. Proprietates verò sunt:

sunt: calefacere, attenuare, solvere, digerere & coquere. Hinc cibus stomacho concreditus calefactionem, attenuationem, solutionem, digestionem & coctionem percitat. Sic carnes, poma, ligna, pisa aliaque; per plurima igni exposita idem experuntur.

3. Nec reciprocum. Solus enim calor homogenea non congregat, sed etiam omnes aliæ res unionem sui amantes, disjunctionem aversantes idem praestare videntur. V.g. Flumina quæ horrido gelu rigent, quicquid alieni divortium minitantis in ea conjiciatur non multo post summo molmine e gutture suo ad ripas eructari satagunt. Unde satis efflorescit ejusmodi actiones soli calori acceptas referri non posse. Plura exempla idem confirmantia, hic convasare supervacaneum ducimus, cum raptus similiū & fuga dissimiliū totum peragret orbem.

Quanquam diffitendum non sit per calefactionem, attenuationem & solutionem similia, homogenea & eiusdem naturæ passim colligi & congregari; Sicut dissimilia atque heterogenea dissolvuntur & segregantur. Tantum de Definitione. Sequitur homogeneorum natura evolvenda videtur. an illa rite à prisci seculi Philosophis explicetur? Pro cuius resolutione dicimus illos magnam gigante confusionem, siquidem secundum eorum mentem heterogenea fierent homogenea, quod duplice exemplo probamus.

1. Elementa quæ mixti constitutionem ingredientur, in unam conflantur massam, proinde fierent homogenea.

2. Ipsa etiam Metalla per liquefactionem in unam molem coalita essent homogenea, quæ cum à vero homogeneorum genio multum degenerent, non immerito ab illis divortium facinus.

X. Frigoris ratio formalis non consistit in congregatione homogeneorum & heterogeneorum.

Q Uamvis interpretes Aristotelis summo nisu ven-

sentur multa diverticula, quo possint communem fri-
goris definitionem sartam tectam conservare, tamen
illis omnibus tanquam figuris rejectis, theses veri-
tatem stabilendam suscipimus. Ne genuinas & ve-
ras frigoris actiones excludere, & alienas infarcire
videamur, quod faciunt Aristotelis associæ in trita ista
definitione. Dicimus ergo frigus talia effecta semper
non praestare qualia ipsi vulgo affricari solent. Quod
ipsa experientia confirmat. Flumina enim quæ insito
gaudent frigore, sordium plaustra sibi immissa non re-
tinent, sed è suo gremio dimittunt, & ad ripas deducunt,
iñò interdum extra eas ad superficiem terræ elevant.
Porro tempore brumali, ubi aër intenso frigore horret,
Iolium, siligo, cuminum, cannabum & alia infinita non
conjunguntur nec congeruntur in unum, quamvis etiā
eodem horreo includantur. At propriae frigoris a-
ctiones sunt; frigefacere, adstringere & obstruere,
quas exerit tempore hyemali, ubi corpora quorundam
frigefiunt, adstringuntur & densantur adeò ut ma-
gnum inde damnum sentiant. In corpora etiam ho-
minum miris modis debacchatur, amarulentiam suam
eis infundendo & vulnera insanabilia infligendo. Un-
de varij morbi, cruciatus & partium mutilatio proma-
nant. Historias habemus perplurimas frigoris saevitiā
decantantes, è quarū corona una excerpere libet, quæ
à Renodeo in literas relata est, cuius tenor ita habet:
Anno salutis 1603. mensibus Januario & Februario, dum hæc conderem, Heb-
domadas sex integras adeò saevit hyemis rigiditas, ut vasa coarfrigeret non
modo figurina, vitrea, stannea, sed cuprea etiam crassissimæ, quibus aqua com-
tinobat.

tirebatur Atq; tunc pars recente & cetera
deam concrebatur, nec in cellis vinclis à glacie tutus erat. Mitescere vero
frigoris leviter singulat ad cuncta intus & extra horrido gelu incanescerant.
Multi a morbi pulmonum & partium (pirabilium toto illo tempore grassabantur,
qui quisque plurim peribant. Unde satis abunde innotescit
frigus non esse meram privationem, quemadmodum
Cardanus alias vir doctus somniaisse dicitur, sed positivum
Ens à causa etiam positiva dependens, prout ope-
rationes ejus cuivis etiam lippis & tonsoribus nota
evincunt. Hinc ita argumentamur. Nullum Ens
positivum pro causa privationem habet. Frigus
est Ens positivum E. Major claret; quia non Ens
nescit producere positivum quid. Minor è di-
Etis patet. Quocirca falsa est opinio illa quam fovet
Zabarella vir alias oculatissimus, statuens frigoris cau-
sam esse privationem pellestus Respectiva ejus consi-
deratione, quæ hic loci impropria est. Non enim qua-
ritur quid comparatè sed quid absolute & insefit.

XI. Humiditas non est qualitas patibilis, suo
termino difficulter alieno facile se conti-
nens.

PAtres Conimbricenses pro definitionis istius proba-
bilitate immò veritate roboranda monent, non idem
per idem, sed obscurum per manifestum definiendum
esse, quasi genuina humiditatis actiones ut sunt: hume-
mectare, emollire & corpora fluida reddere essent hu-
miditatis Synonyma & de ea Synonymicè prædicaren-
tur. Ast longè aliter se res habet, si intimius humili-
tutis

tatis natura inspiciatur. Causa enim & effectum aequipollentiam non habent, cum realiter inter se differant. At humiditas est causa, unde ejusmodi operationes pullulant Ergo identitas hic nullam meretur sedem. Proinde humiditatem definiens per enumeratas istas actiones idem per idem non definit. Nec obscuritatis nube obducitur definitio si per ejusmodi proprietates definiatur, siquidem nulli humectatio, emollitio, &c. negotium facessunt, sed statim primò intuitu cuivis patescunt. Hinc sequitur definitionem humiditatis quæ ita habet: est qualitas secundum quam Elementum alia corpora humectat, emollit & fluida reddit, perspicuitatis flore esse ornatam. Ast definitio illa Aristotelis vitio laborat, quia impropriam humiditati assuit affectionem, quæ est suo termino difficulter, alieno facile contineri. Nam terminis circumscribi non qualitati sed quantitatih. e. non humiditati sed humido adscribendum est. Et cum corpora nonnulla à suis terminis non facile recedunt, nonnulla facilimè eos relinquunt, tum sciendum est hoc provenire à subtilitate, & non ab humiditate. Cujus rei exemplum habemus in igne, qui de humiditate non participat, difficilimè tamen intra suos limites manet, alienos verò facile servat. Itaq; ex ijs quæ alijs competunt, non est definienda humiditas.

XII. Magnes contusus vim attractricem non exuit.

LApis ille Hercules aliis Mignes dictus valde claruit, Virtus tamen ejus abstrusa & recondita, mul-

multorum ingenia exercuit, & non solum in sui admi-
rationem rapuit, sed etiam ad inquisitionem accuratio-
rem eadem instigavit. An verò omnes sciendi desi-
derio flagrantes ex aequo veritatem attigerint, non le-
ve emergit dubium. Nam sicut natura in suo lati sun-
dio thesauros habet multos & reconditos, quarum ad-
miratione nos potius retardare, quam promovere sat-
agit. Sic & in Magnete mirifici latitant recessus, in
quos acies nostra penetrare nequit, multo minus cogni-
tione imbuta inde resilire. Nam tale quid in eo à na-
tura concessum delitescit, ut humana mens vix con-
sequi possit afferente Boëtio de Boot. Est verò duabus facul-
tibus nobilitatus quarum beneficio suas proprietates quodammodo nobis
patefacit. Una absolvitur conversione ad polos mundi, altera tractione fer-
ri indigitatur. De illa hac vice non sumus solliciti, sed alteram tantum hic
dispicere libet. De cuius natura varii varie disceptant, & præcipue in eo car-
ditem volvunt, quā ratione tractio illa fiat? & an pulverisatus eandem tra-
ctricem virtutem retineat? Missis aliis ambagibus, illam sententiam accepta-
mus, quā statuitur tractionis istius causa esse, mutuus rerum consensus, qui ut
in aliis rebus naturalibus viget, ita & hic vigorem non amittit. Est enim Ma-
gnes ferri spiritibus imprægnatus, unde tractio ista affinitate Spirituum elicita
resultat. Simile enim ad simile quantum potest fertur, ut inquit Sennertus.
Hinc uterq; inter se familiariter ex ercat. Magnetis sese associat ferro; fer-
ri Spiritus suseipit hoc effluvium, atq; sic potentiae illius particeps evadit, si-
mul etiam Magneticus efficitur. An verò in pulverem redactus eandem vir-
tutem obtineat non sine causa dubitatur, cum non defint Viri gravissimi, qui
id negare ausi sunt tamē reliq; eorum rationibus in disputationis confictum,
affirmanti sententia patrocinari non dubitamus. Sit itaq; Ratio 1.

Virtus illa tractiva est tota in toto & tota in singulis
partibus teste Cabeo lib. 2: p. 105. Itaq; in minutissimas
partes resolutus Magnes, virtute illâ non destituitur.
Nam Magnes non est corpus heterogeneum, à quo se

pars auferatur, sciatim animi sui pars illa oblatur;
sed homogeneum, cuius etiam pars minima ejusdem
cum cum toto conditionis est virtutis est. Quod va-
rijs exemplis Naturæ Myrothecio petitis declarari
et probari potest. Assumatur exigua aquæ por-
tio & actutum deprehenditur in ea vis frigidae
ciendi. Sic Naphtha in minima quantitate sum-
pta ignem ad se trahit & amicissime cum eo con-
spirat. Sic piperis granulum calefaciendi vim
obtinet aliaq; infinita quæ brevitati studentes o-
mittimus. 2. Ut alia mineralia salina et sulphurea
non facile deperdunt vires suas, ita nec Magnes tritu-
ratione vim illam exuit, cum sit naturæ mineralis fi-
xamq; obtineat naturam. 3. Si illa quæ ex Vegetabili-
um et animalium classe sunt triturando vim illam
Magneticam non amittunt, utiq; Magnes pulverisa-
tus virium jacturam non patitur. Sed verum prius
et posterius. Connexio probatur, quia fixioris est
indolis Magnes. Illa vero volatiliorem habent
naturam. Antecedens probatur, quia praxis
Medicorum testatur caput Hirundinis contusum
ac melle temperatum, omnia membris infixa e-
vocare: Et colchica herba & radix triturata, si
vulneri admoveatur, quicquid in eo delitescit, e-
ruere dicitur. Porro Rogerius dicit multiplici ex-
perimento comprobatum esse; quod radix arun-
di-

dinis contusa cum melle & admota sine dolore
injecta extrahat. 4. Si Magnes in minori mole sa-
tis magnum ferri pondus trahere potest, utiq̄ id præ-
stat in majori copia. Sed verum prius E. posterius.
Minor probatur, quia cernimus acum Hispānicam
trahi & elevari a minutissima illa particula, quā af-
frictus Magnetis beat ferrum, quā tamen parte Ma-
gnetis in pulvrem redacti partes longe majores sunt.
Itaq̄ si id inest quod minus est, erit & illud, quod ma-
gis est. 5. Et ultimō comprobatur experimento Me-
diorum. Ili enim conficiunt Emplastrum Magnetica,
quorum beneficio insultus morbificos & quicquid cor-
poribus præter naturam inhærescit extrahunt. Ex-
emplum hujus rei sat evidens habemus in Rusti-
co illo Prussiaco, qui præter intentionem cultrum
deglutivit. Quo factō Medicum Regiomontanum
adivit ad consilium impetrandum, quo posset facilius
ab infortunio isto liberari. Hic Emplastrum Magne-
ticum eō loci imposuit, ubi dolor hospitabatur, & statim
tuberculum quoddam exortum est, motus etiam qui-
dam cultelli tum versus illam partem ab ægro percep-
tus est, & postea artificiose ex ejus ventriculo excisi-
sus, atq̄ sic sanitati pristinæ restitutus est. In cura
etiam Herniosorum eximia Magnetis pulverisati vis
conspicitur ut testatur Paræus lib. 7. Chirurg. Ubi re-
fert Chirurgum quendam ita Hernias puerorum

curasse quod Magnetem in tenuissimum pollinem
redegerit, & in polenta eundem exhibuerit. Inde
verò inguen, ubi præcipitabatur intestinum, in-
unxerit & subtili ferri limatura adsperserit, parte
fasciâ & subligaculo, ut decet constricta, sicq;
curatio absolvebatur. *Ast hæc omnia Magnetis*
pulverisati vim attractricem depraedant.

XIII. Respublicæ futuræ fuissent in statu in-
nocentiæ.

Pro hujus confirmatione sequentes rationes militare
possunt. 1. Constat ex Sacro codice, quod ante La-
psum Protoplastorum dux aliquis familie futurus fuis-
set (etiamsi pallium justitiae originalis, quo Deus eos
amicavit non exuissent) cui tanquam principi dome-
stici omnes fasces submisissent eumq; cordicitus prout
inferioris sortis homines decet honorassent. Quor-
sum enim inquit Keckermannus, familie ordi-
nem, constituto capite marito, sanxisset Deus ho-
minibus in statu innocentiae degentibus, nisi ut
Reipublicæ alicujus, cuius primordia familie
essent futuræ, fundamenta jaceret. *Est itaq; hoc*
luculentum indicium Reipublicæ futuræ, ubi enim im-
et obediens perantes sunt ibi quoq; Respublica virescit, siquidem
ex illis potissimum constituitur. 2. Colligitur proposi-
tionis veritas ex dominatu illo, qui inter Angelicam
turbam viget. Ut enim illa Regiminis formam obti-
nnet,

net, ita & homines in statu illo administrandi rationem habuissent. Inter Angelos vero imperium vigore probat Sacra pagina, ubi alij superioris, alij inferioris ordinis & conditionis audiunt, & illi his facienda praescribunt monentq; officij præstandi. Hic tamen notandum, Regiminis illius formam planè fuisse diversam ab ea, quæ nunc in terreno mundi hujus ergastulo floret. Non enim fuisse introducta ad improbitatem hominum corrigendam, sed ad civilem societatem conservandam, ut unicuiq; dispalesceret, quid & qualia munia ipsi essent obeunda? Proinde appositè ait Besoldus: Sicut Republicæ etiam hodiè pro diversitate subditorum aliarumq; circumstantiarum variantur, ita & civile tunc imperium, longe ijs politijs, post peccatum, quas habemus dissimile fuisse.

XIV. Homini Christiano licitum est in foro causas agere.

UT Controversias forenses judici dirimendas deferramus, postulat 1. Necessitas, siquidem veritas in profundo demersa est ut loquitur Demetrius, quam non quisvis inde extrahere multò minus suum propositum ad eam normam dirigere potest. Cum in luce rerum tenui caligemus, in mediocrī cæcutiamus, in majori cæci simus, in maxima insaniamus telle Scaligero Exerc. 131. Itaq; configiat actor ad prudenter D. tio.

tiores qui ingenij acumine & judicandi dexteritate
pollent, ab ijs consilium impetret cui tanquam oraculo
acquiescat & obediatur. 2. Hominum prava natura
sua sorte non contenta, alienis inhiat & suis facul-
tatis omnibus agglomerare expetit. At si inten-
tio ex aquo non successerit, varias machinationes mo-
liri tentat, quæ in odium, convitia & violentia erum-
punt, unde injuria & litigia gravissima oriuntur, &
tandem tota hominum societas exulare cogeretur, nisi
contentiones judicum censuris & existimationibus
subjicerentur. 3. Muneris judicialis origo quæ Deo
accepta refertur. Is enim ut alios status; ita
& hunc sapientissimè instituit & insignibus singulari-
bus exornavit quò major coram hominibus accederet
eminentia. Hinc in Sacris pandectis hoc munere
fungentes Dii & filij altissimi audiunt. Pre-
inde status iste ignominiam & contemptum vix
effugere posset, si actores causam suam judicibus
examinandam denegarent. 4. Exempla ut pro-
phana jam præteream, Sacra non pauca in Biblijs
se confacienda præbent. Inter alia sunt hæc
præcipua: Paulus ad Cæsaris tribunal provocat. Imò
ipse Christus servulum à quo ceditur in judicio probare
jubet se male locutum Job. 18. 5. Utilitas à judicio-
rum processu exoriens. Accusatio coram Magi-
stratu in Reipublicæ utilitatem redundat dupliciter.

1. Qui

1. Qui aliquid malū machinari conatur metu percēllitur, ne in ius vocetur & pœna mancipetur, & si molitus fuerit quipiam facilius negotio præpediri poterit. 2. Sic sopiaunt odia, suspicioneſ & inimicitia inter communioneſ civilem glificentes & ferentes, quā aliā tumultibus gravioribus feneram effētū aperturæ, quod exemplo Coriolani & adolescentis Clusini, cuius ſoror à Lucomone quodam viam erat paſſa, Machiavellus lib. 1. Discurs. c. 7. demonstrat. Et concludit factioñes in Rebus publicis indicia eſſe, quod iudicia male constituta ſint. Huc quadrat illud Ciceronis pro Roscio, utile eſt accuſatores multos in Civitate eſſe, ut metu audacia contineantur.

XV. Pueri non ſunt temerè cædendi.

IN Politicorum Gymnasijſ etiam hæc agitari ſolet queſtio an pueri ſint cædendi? Ubi alij in affirmati- vam, alij in negativam abeunt ſententiam. Illi pro fun- damento cui ſuperſtruunt partim veterū exempla, partim ſcripturā quæ in nonnullis locis in eorū partem inclinat, habent & allegant. Hi incommoda inde pro- venientia recitare ſolent. Inter alia dicunt plagaſ ſia- pidos efficere, animos frangere, fugam ac nauſeam parere. Hinc videmus quotidie tyrunculos ad Scholam miſſos literarum exercitia averſari, quod prove- nit à præceptorum ſævitia: Illi enim verberibus ful- minant, maledictis fulgurant, & in corpora diſcipu- lorum graffantur adeo ut iſti autument ſe ad inferos Virgilianos prolapsos eſſe. Ut autem theorematiſ veritas ſalva ſit, ſequentia notanda veniunt. Primo. Apprimè neceſſarium eſt ut præceptor diſcipuloruſ ingenia explore, & prout cuiusq; indoles varia eſt; Ita & ſciat linguaſ & manuſ ſuani attemperare ad eius inclinationem. Siquidem alii Benevolentiam captant, alii eandem negligunt, alii honoreſ ſtimulis agitan- tur, alii opprobiis & convitiis callum obducunt, alii ſua ſponte diligentiam amplectuntur & præceptorum monitiſ faciles præbent aures, alii negligentiæ aliiſq; vitiis dediti eoruſ fideles admonitiones in auras difflare uouerentur. Hos autem omnes ſub idem iugum mittere nibil eſt aliud, quam equis affi- diuengere ut eruditę loquitur Heiderus. Itaq; illi ferulae non tunt ſubiugan- di: Hi verò mōderatum eius rigorem ſentiant, donec ad bonam frugem re- deunt.

deunt. Non tamen facile in eos irruant, sed per alia media ad bonum opus faciendum eos deducant necesse est, ne forre audiant violatores mandati Dei qui Matth. 18. Prohibet ne quis offendat unum de pusillis istis, qui credunt in eum. Deinde monitum Politicorum sibi præfigat necesse est. Illi enim monent, ut eodem modo præceptores ad ferulam confugiant, quo medicus iectioni invitus manum admoveret.

SOLI DEO GLORIA.

Prestantissimo. Literatissimo & Modestissimo Inveni Viro,

Dn. MICHAELI CANUTIWISIO,
Philosophiae Candidato meritissimo, amico per-
dilecto, Pro summo in philosophia gradu do-
ctè disputanti hisce applaudere
volut

In signem mitis meruit sapientia laudem,
Majorem pietas vera virtute coruscans,
Utraq; junq; simul superat mortalia quævis;
Hinc meritâ dignum te quivis laude beabit
Quem tua prælustris Pietas, motum probitasq;
Haud fugit, & vita candor, doctrinaq; Præstans;
Quam Præsens cunctis monstrat discursus abunde.
Perge bonis avibus tua themata ritè tueri
Ut cirrigat Pallas victrici tempora lauro.
Quod superest sacris rem votis persequor omnem,
Ut WISI vivas multos feliciter annos
In laudem Jovæ, decus eximium Patriæq;

Infucata amicitia causa

NICOLAUS NYCOPENSIS
Log. & Poet. Prof. Pub,

(O)S